

歷代軍事分類
詩選

于友之



線
831
878:2
v. 2

舊籍

卷二

古詩分類目次
(二)

破陣

凱歌

詠將

旋軍

悼挽





歷代軍事分類詩選卷二

新安張 鈞選輯

古詩(二)

破陣類

晉獻公時童謠

詩紀

丙之晨。龍尾伏辰。均服振振。取虢之旗。鶉之賁賁。天策焯焯。火中成軍。虢公其奔。

朱儒誦

詩紀

臧之狐裘。

之叶渠反

敗我於狐駘。

之叶盈反

我君小子。朱儒是使。朱儒朱儒

。使我敗於邾。

鄆陵絲

詩紀

南國蹙。射其元王中厥目。

歷代軍事分類詩選

破陣類



孫文子絲

詩紀

兆如山陵。

叶良中反

有夫出征。而喪其雄。

古諺古語

詩紀

白刃交前。不顧流矢。

戰國策

戰勝而國危者。物不斷也。功大而權輕者。地不入也。蘇秦語

削株掘根。無與禍隣。禍乃不存。張儀語

騏驥之衰也。駑馬先之。孟賁之倦也。女子勝之。

垓下歌

項羽

力拔山兮氣蓋世。時不利兮騅不逝。騅不逝兮可奈何。虞兮虞兮奈若何。

答項王楚歌

虞姬

漢兵已略地。四面楚歌聲。大王意氣盡。賤妾何聊生。

匈奴歌

失我焉支山。令我婦女無顏色。失我祁連山。使我六畜不蕃息。

安封侯詩

崔駰

戎馬鳴兮金鼓震。壯士激兮忘身命。被光甲兮跨良馬。揮長戟兮

藝文
作廓強弩

飲馬長城窟行

曹丕

浮舟橫大江。討彼犯荆虜。武將齊貫鏃。征人伐金鼓。長戟十萬隊。
幽冀百石弩。發機若雷電。一發連四五。

兪兒舞歌二首

王粲

矛兪新福歌

漢初建國家。匡九州。蠻荆震服。五刃三革休。安不忘備武樂脩。

宴我賓師。敬用御夫。永樂無憂。子孫受百福。常與松喬遊。烝庶德。莫不咸歡柔。

弩兪新福歌

材官選士。劍弩錯陳。應桴蹈節。俯仰若神。綏我武烈。篤我淳仁。自東自西。莫不來賓。

失題

傅 玄

彎我繁弱弓。弄我丈八稍。一舉覆三軍。再舉殄戎貊。

戰城南篇

何承天

戰城南。衝黃塵。丹旌電燧鼓雷震。敵猛。勦戎馬殷。橫陣亘野若屯雲。仗大順。應三靈。義之所感士忘生。長劍擊。繁弱鳴。飛鏑炫晃亂奔星。虎騎躍。華旄旋。朱火延起騰飛烟。驍雄斬。高旗舉。長角浮叫響青天。夷羣寇。殪逆徒。餘黎霑惠詠來蘇。奏愷樂。

歸皇都。班爵獻俘邦國娛。

白馬篇二首

孔稚珪

驥子踟且鳴。鐵陣與雲平。漢家嫖姚將。馳突匈奴庭。少年鬪猛氣。怒髮爲君征。雄戟摩白日。長劍斷流星。早出飛狐塞。晚泊樓煩城。虜騎四山合。胡塵千里驚。嘶笳振地響。吹角沸天聲。左碎呼韓陣。右破休屠兵。橫行絕漠表。飲馬瀚海清。隴樹枯無色。沙草不常青。勒石燕然道。凱歸長安亭。縣官知我健。四海誰不傾。但使強胡滅。何須甲第成。當今丈夫志。獨爲上古英。

白馬金貝裝。橫行遼水傍。問是誰家子。宿衛羽林郎。文犀六屬鎧。寶劍七星光。山虛弓響徹。地迴角聲長。宛河推勇氣。隴蜀擅威疆。輪臺受降虜。高闕翦名王。射熊入飛觀。校獵下長楊。英名欺衛霍。智策蔑平良。烏夷時失禮。卉服犯邊疆。徵兵離薊北。輕騎出

漁陽。集軍隨日暈。挑戰逐星芒。陣移龍勢動。營開虎翼張。衝冠入死地。攘臂越金湯。塵飛戰鼓急。風交征旆揚。轉鬪平華地。追奔掃鬼方。本持身許國。况復武功彰。會令千載後。流譽滿旂常。

鴈門太守行二首

簡文帝

輕霜中夜下。黃葉遠辭枝。寒苦春難覺。邊城秋易知。風急旂旗斷。塗長鎧馬疲。少解孫吳法。家本幽并兒。非關買鴈肉。徒勞皇甫規。

隴暮風恆急。關寒霜自濃。櫪馬夜方思。邊衣秋未重。潛師夜接戰。略地曉催鋒。悲筋動胡塞。高旗出漢墉。勤勞謝功業。清白報迎逢。非須主人賞。寧期定遠封。單于如未繫。終夜幕前蹤。

戰城南

吳均

躒躒青驪馬。往戰城南畿。五歷魚麗陣。三入九重圍。名懼武安將。

，血汗秦王衣。爲君意氣重。無功終不歸。

戰城南

吳均

前有濁樽酒。

一作酒尊

憂思亂紛紛。小來

少年作

重意氣。學劍不學文。

忽值胡關靜。匈奴遂兩分。天山已半出。龍城無片雲。漢世平如此。何用李將軍。

戰城南

吳均

陌上何諠諠。匈奴圍塞垣。黑雲藏趙樹。黃塵埋隴垠。天子羽書勞。將軍在玉門。

胡無人行

吳均

劍頭利如芒。恆持照眼光。鐵騎追驍虜。金羈討黠羌。高秋八九月。胡地早風霜。男兒不惜死。破膽與君嘗。

在渭陽賦詩

王偉

平明聽戰鼓。薄暮敘存亡。楚漢方龍鬪。秦關陣未央。

戰城南

張正見

薊北馳胡騎。城南接短兵。雲屯兩陣合。劍聚七星明。旗交無復影。角憤有餘聲。戰罷披軍策。還嗟李少卿。

同盧記室從軍

庾信

河圖論陣氣。金匱辨星文。地中鳴鼓角。天上下將軍。函犀恆七屬。絡鐵本千羣。飛梯聊度絳。合弩暫凌汾。寇陣先中斷。妖營即兩分。連烽對嶺度。嘶馬隔河聞。箭飛如急雨。城崩似壞雲。英王於此戰。何用武安君。

登城北望

庾肩吾

誓師屠六郡。登城望九嶷。山沉黃霧裏。地盡黑雲中。霜戈曜曩日。哀笳斷塞風。

被執作詩一首

庾肩吾

髮與年俱暮。愁將罪共深。聊持轉風燭。暫映廣陵琴。

凱歌類

彤弓三章章六句

詩經

彤弓超音昭兮。受言藏之。我有嘉賓。中心叶虛媿王反之。鐘鼓既設。一

朝饗良反之。賦也。此天子燕有功諸侯而錫以弓矢之樂歌也。

彤弓昭兮。受言載利反之。我有嘉賓。中心叶去喜聲之。鐘鼓既設。

一朝右音又叶之。賦也

彤弓昭兮。受言音高叶櫜古號反之。我有嘉賓。中心去聲好之。鐘鼓既設。

一朝音大醜音到反之。賦也

泮水八章章八句

詩經

思樂音洛泮音判水。薄采其芹。音勤魯侯戾止。言觀其旂。音斤反其旂

笱。音施鸞聲噉噉。音聾無小無大。從公于邁。賦而興也、此飲於泮宮而頌禱之辭也、

思樂泮水。薄采其藻。魯侯戾止。其馬蹻蹻。其馬蹻蹻。其音昭昭

叶之繞反載色載笑。匪怒伊教。賦而興也

思樂泮水。薄采其芣。叶謨魯侯戾止。在泮飲酒。既飲旨酒。永錫難

老。叶魯順彼長道。叶徒屈此羣醜。賦而興也

穆穆魯侯。敬明其德。敬慎威儀。維民之則。允文允武。昭假音格烈

祖。靡有不孝。自求伊祜。音戶

明明魯侯。克明其德。既作泮宮。淮夷攸服。叶蒲矯矯虎臣。在泮

獻馘。音鏡淑問如臯陶。叶夷在泮獻囚。賦也

濟濟多士。克廣德心。桓桓于征。狄音剔彼東南。叶尼烝烝皇皇。不吳

音話不揚。不告于訥。音凶在泮獻功。賦也

角弓其觶。束矢其搜。戎車孔博。徒御無斃。叶弋既克淮夷。孔淑

不逆

叶宜反

式固爾猶。淮夷卒獲。

叶黃郭反賦也

翩彼飛鸞。

音梟

集于泮林。食我桑黽。

音甚懷我好音。

憬彼淮夷。來

獻其琛。

救金反

元龜象齒。大路南金。

興也

大夫種祝越王辭

二章

皇天祐助。我王受福。良臣集謀。我王之德。宗廟輔政。鬼神承翼。

君不忘臣。臣盡其力。上天蒼蒼。不可掩塞。觴酒二升。萬福無極。

我王仁賢。懷道抱德。滅讎破吳。不忘返國。賞無所吝。羣邪杜塞。

君臣同和。福祐千億。觴酒二升。萬歲難極。

琴歌

霍去病

四夷既護

一作獲

諸夏康兮。國家安甯。樂無

一作未

央兮。載戢干戈。弓

矢藏兮。麒麟來臻。鳳凰翔兮。與天相保。永無疆兮。親親百年。

各延長兮。

魏鼓吹曲十二首選九首

繆襲

楚之平

楚之平。義兵征。神武奮。金鼓鳴。邁武德。揚洪名。漢室微。社稷傾。皇道失。桓與靈。闞宦熾。羣雄爭。邊韓起。亂金城。中國擾。無紀經。赫武皇。起旗旌。麾天下。天下平。濟九州。九州寧。創武功。武功成。越五帝。邈三王。興禮樂。定紀綱。普日月。齊輝光。

戰滎陽

戰滎陽。汴水陂。戎士憤怒貫甲馳。陣未成。退徐榮。二萬騎。塹壘平。戎馬傷。六軍驚。勢不集。衆幾傾。白日沒。時晦冥。顧中牟。心屏營。同盟疑。計無成。賴我武皇萬國寧。

獲呂布

獲呂布。戮陳宮。芟夷鯨鯢。驅騁羣雄。囊括天下運掌中。

克官渡

克紹官渡由白馬。僵屍流血被原野。賊衆如犬羊。王師尙寡。沙隄傍。風飛揚。轉戰不利士卒傷。今日不勝後何望。土山地道不可當。卒勝大捷震冀方。屠城破邑。神武遂章。

舊邦

舊邦蕭條心傷悲。孤魂翩翩當何依。遊士戀故涕如摧。兵起事大令願違。傳求親戚在者誰。立廟置後魂來歸。

定武功

定武功。濟黃河。河水湯湯。且暮有橫流波。袁氏欲衰。兄弟尋干戈。決潭水。水流滂沱。嗟城中如流魚。誰能復顧室家。計窮慮盡

。求來連和。和不時。心中憂戚。賊衆內潰。君臣奔北。拔鄴城。
奄有魏國。王業艱難。覽觀古今。可爲長歎。

屠柳城

屠柳城。功誠難。越度隴塞路漫漫。北踰岡平。但聞悲風正酸。蹋
頓授首。遂登白狼山。神武攷海外。永無北顧患。

平南荊

南荊何遼遼。江漢濁不清。菁茅久不貢。王師赫南征。劉琮據襄陽
。賊備屯樊城。六軍廬新野。金鼓震天庭。劉子面縛至。武皇許其
成。許與其成。撫其民。陶陶江漢間。普爲大魏臣。大魏臣。向風
思自新。思自新。齊功古人。在昔虞與唐。大魏得與均。多選忠義
士。爲喉脣。天下一定。萬世無風塵。

平關中

平關中。路向潼。濟濁水。立高墉。鬥韓馬。離羣兇。選驍騎。縱
兩翼。虜崩潰。級萬億。

吳鼓吹曲十二曲選四

韋昭

漢之季

漢之季。董卓亂。桓桓武烈應時運。義兵興。雲旗建。厲六師。羅
八陣。飛鳴鏑。接白刃。輕騎發。介士奮。醜虜震。使衆散。劫漢
主。遷西館。雄豪怒。元惡憤。赫赫皇祖功名聞。

攄武師

攄武師。斬黃祖。攘作夷凶族。革平西夏。炎炎大烈震天下。

伐烏林

曹操北伐拔柳城。乘勝席捲遂南征。劉氏不睦。八郡震驚。衆既降
。操屠荊。舟車十萬揚風聲。議者狐疑慮無成。賴我大皇發聖明。

虎臣雄烈周與程。破操烏林。顯章功名。

克皖城

克滅皖城遏寇賊。惡此凶孽阻姦慝。王師赫征衆傾覆。除穢去暴戢
兵革。民得就農邊境息。誅君弔民昭至德。

彭子陽歌

無名氏

時歲倉卒賊縱橫。大戟強弩不可當。賴遇賢令彭子陽。

征遼東

傅玄

征遼東。敵失據。威靈邁日域。公孫既授首。羣逆破膽咸震怖。朔
方響應。海表景附。武功赫赫德雲布。

時運多難

傅玄

時運多難道教痛。天地變化有盈虛。蠢爾吳蠻。虎視江湖。我皇赫
斯致天誅。有征無戰弭其圖。天威橫被廓東隅。

惟庸蜀

傅玄

惟庸蜀。僭號天一隅。劉備逆帝命。禪亮承其餘。擁衆數十萬。闕
隙乘我虛。驛騎進羽檄。天下不遑居。姜維屢寇邊。隴上爲荒蕪。
文皇愍斯民。歷世受罪辜。外謨藩屏臣。內謀衆士夫。爪牙應指授。
腹心獻一作良圖。良圖協成文。大一作興百萬軍。雷鼓震地起。
猛勢陵浮雲。逋虜畏天誅。面縛造壘門。萬里同風教。逆命稱妾臣。
光建五等。紀綱天人。

仲秋彌田

傅玄

仲秋彌田。金德常剛。涼風清且厲。凝露結爲霜。白藏司辰。蒼隼
時鷹揚。鷹揚猶尙父。順天以殺伐。春秋時序。雷霆振威曜。進退
由鉦鼓。致禽祀祊。羽毛之用充軍府。赫赫大晉德。芬烈陵三五。
敷化以文。雖治晉書作安不廢武。光宅四海。永享天之祜。

關中詩

十六章

潘岳

於皇時

五臣作乃

晉。受命既固。三祖在天。聖皇紹祚。德博化光。刑簡

枉錯。微火不戒。延我寶庫。

蠢爾戎狄。狡焉思肆。虞我國眚。窺我利器。嶽牧慮殊。威懷理二

。將無專策。兵不素肄。

翹翹趙王。請徒三萬。朝議惟疑。未逞斯願。桓桓梁征。高牙乃建

。旗蓋相望。偏師作援。

虎視眈眈。威被好時。素甲日耀。玄幕雲起。誰其繼之。夏侯卿士

。惟系惟處。別營某時。

夫豈無謀。戎士承平。守有完郛。戰無全兵。鋒交卒奔。孰免孟明

。飛檄秦郊。告敗上京。

雍離篇

何承天

雍士多離心。荊民懷怨情。二凶不量德。搆難稱其兵。王人銜朝命。
。正辭糾不庭。上宰宣九伐。萬里舉長旌。樓船掩江濱。駟介飛重
英。歸德戒後夫。賈勇尙先鳴。逆徒既不濟。愚智亦相傾。霜鋒未
及染。郢郢忽已清。西川無潛鱗。北渚有奔鯨。凌威致天府。一戰
夷三城。江漢被美化。宇宙歌太平。惟我東郡民。曾是深推誠。

江都平解嚴

謝莊

肅旗簡廟律。聳鉞暢乾靈。朝晏推物泰。通渥抃身寧。擊轅歌至世。
。撫壤頌惟馨。

周殉師令。身膏鉞斧。人之云亡。貞節克舉。盧播違命。投畀朔土。
。爲法受惡。誰謂荼苦。

哀此黎元。無罪無辜。肝腦塗地。白骨交衢。夫行妻寡。父出子孤。
。俾我晉民。化爲狄俘。

亂離斯瘼。日月其稔。天子是矜。旰食寢寢。主憂臣勞。孰不祇慄。
愧無獻納。尸素以甚。

皇赫斯怒。爰整精銳。命彼上谷。指日遄逝。親奉成規。稜威遐厲。
首陷中亭。揚聲萬計。

兵固詭道。先聲後實。聞之有司。以萬爲一。紂之不善。我未之必。
虛鼎滿德。繆彰甲吉。

雍門不啓。陳汧危偪。觀遂虎奮。感恩輸力。重圍克解。危城載色。
五臣豈曰無過。功亦不測。

情固萬端。于何不有。紛紜齊萬。亦孔之醜。日納其降。日梟其首。
疇真可掩。孰僞可久。

既徵爾辭。既蔽爾訟。當乃明實。否則證空。好爵既五臣作自縻。顯戮亦

從。不見竇林。伏尸漢邦。

周人之詩。實曰采薇。北難獫狁。西患昆夷。以古况今。何足曜威。
徒愍斯民。我心傷悲。

斯民如何。荼毒于秦。師旅既加。饑饉是因。疫癘淫行。荊棘成榛。
絳陽之粟。浮于渭濱。

明明天子。視民如傷。申命羣司。保爾封疆。靡暴于衆。無陵于疆。
惴惴寡弱。如熙春陽。

中興歌十首

鮑照

千冬遲

逢一作

一春。萬夜視朝日。生平值中興。歡起百憂畢。

中興太平運。化清四海樂。祥景照玉臺。紫煙遊鳳閣。

碧樓含夜月。紫殿爭朝光。綵池散蘭麝。風起自生芳。

白日照前窗。玲瓏綺羅中。美人掩輕扇。含思歌春風。

三五容色滿。四五妙華歇。已輸春日歡。分隨秋光沒。

北出湖邊戲。前還苑中遊。飛轂繞長松。馳管逐波流。
九月秋水清。三月春花滋。千金逐良日。皆競中興時。
窮秦已有分。壽夭復屬天。既見中興樂。莫持憂自煎。
襄陽是小地。壽陽非帝城。今日中興樂。遙冶在上京。
梅花一時豔。竹葉千年色。願君松柏心。採照無窮極。

建除詩

鮑照

建旗出燉煌。西討屬國羌。除去徒與騎。戰車羅萬箱。滿山又填谷。
投鞍合營牆。平原亘千里。旗鼓轉相望。定舍後未休。候騎敕前
裝。執戈無暫頓。彎弧不解張。破滅西零國。生虜郅支王。危亂悉
平蕩。萬里置關梁。成軍入玉門。士女獻壺漿。收功在一時。曆世
荷餘光。開壤襲朱紱。左右佩金章。閉帷草太玄。茲事殆愚狂。

度關山

簡文帝

關山遠可度。遠度復難思。直指遮歸道。都護總前期。力農爭地利。
轉戰逐天時。材官蹶張皆命中。弘農越騎盡搴旗。搴旗遠不息。
驅虜何窮極。狼居一封難再覩。闕氏永去無容色。銳氣且橫行。朱
旗亂日精。先屠光祿塞。却破夫人城。凱歌還舊里。非是銜功名。

和武帝宴詩二首

簡文帝

校尉開疎勒。將軍定月支。南通新息柱。北屆武陽碑。豫遊戲馬館。
教戰混明池。銀塘瀉清渭。銅溝引直漪。常從良家子。命中幽并
兒。金鞍飾紫佩。玉燕帖青驪。車書今已共。願奏云亭儀。

祭壺今息鼓。董案或開帷。聊舉青龍陣。正取絳宮時。犒兵隨後拒。
輟祭逐前師。軍門初露節。步陳始分旗。

建除詩

梁宣帝

建國惟神業。十世本靈長。除苛逾漢祖。徯后類殷湯。滿盈既虧度。

否運理還康。平階今復覩。德星行見祥。定寇資雄略。靜亂屬賢良。執訊窮郢魯。弔伐偏徐揚。破敵勳庸盛。佩紫且懷黃。危苗既已竄。妖疹亦云亡。成功勒雲社。治定理要荒。收戟歸農器。牧馬恣藟場。開山接梯路。架海擬山梁。閉慾同彭老。延壽等東皇。

賢首山

沈約

賢首山。險而峻。乘峴憑。臨胡陣。騁奇謀。奮卒徒。斷白馬。塞飛狐。磴日逐。殲骨都。办谷蠡。滅林胡。草既潤。原亦塗。輪無返。幕有烏。掃殘孽。震戎逋。揚凱奏。展歡酺。詠杕杜。旋京吳。

道亡

沈約

道亡數極歸永元。悠悠兆庶盡含冤。沉河莫極皆無安。赴海誰授矯龍翰。自樊漢仙波。流水清且瀾。救此倒懸拯塗炭。誓師劉旅赫靈斷。率茲八百驅十亂。登我聖明去多難。長夜杳冥忽云旦。

忱威

沈約

忱威授律命蒼兕。言薄加湖灌秋水。迴瀾滌汨汎增雉。爭河投岸掬盈指。犯刃嬰戈洞流矢。資此威一作盛烈齊文軌。

漢東流

沈約

漢東流。江之汭。送徒蜂聚。旌旗紛蔽。仰震威靈。乘高騁銳。至仁解網。窮鳥入懷。因此龍躍。言登泰階。

昏主恣淫慝

沈約

昏主恣淫慝。皆曰自昌盛。上仁矜億兆。誓師爲請命。旣齊丹浦戰。又符甲子辰。戡難伐有罪。伐罪弔斯民。悠悠億萬姓。於此覩陽春。

石首局

沈約

石首局。比墟墜。新堞嚴。東壘峻。共表裏。遙相鎮。矢未飛。鼓

方振。競銜璧。並輿櫬。酒池擾。象廊震。同伐謀。兼善陳。闕應和。掃煨燼。剪庶惡。靡餘屑。

童謠

梁勝齊以俘質酒給一虜裁得一醉

無名氏

虜萬夫。入五湖。城南酒家使虜奴

奉和平鄴應詔

庾信

天策引神兵。風飛掃鄴城。陣雲千里散。黃河一代清。

紀遼東二首

隋煬帝

遼東海北翦長鯨。風雲萬里清。方當銷鋒散馬牛。旋師宴鎬京。前歌後舞振軍威。飲至解戎衣。判不徒行萬里去。空道五原歸。乘旄仗節定遼東。俘馘變夷風。清歌凱捷九都水。歸宴雒陽宮。策功行賞不淹留。全軍藉智謀。詎似南宮複道上。先封雍齒侯。

星名

辛德源

邊裊昏高柳。燿光照離宮。明堂發三令。勾陳集五戎。素扇一作麾
全月。朱旗引半虹。虎落驚氛斂。龍城宿霧通。擊鐘張大樂。置酒
宴羣公。關山無復阻。車書方大同。

述諸軍用命

隋凱樂

帝德遠覃。天維宏布。功高雲天。聲隆韶濩。惟彼海隅。未從王度。
皇赫斯怒。元戎啟路。桓桓猛將。赴赴英謨。攻如燎髮。戰似摧
枯。救茲塗炭。克彼一作妖逋。塵清兩越。氣靜三吳。鯨鯢已夷。
封疆載闢。班馬蕭蕭。歸旌奔奔。雲臺表効。司勳紀績。業並山河。
道固金石。

詠將類

兔置三章章四句

詩經

肅肅兔置。

音嗟又子余反與夫叶

掾之丁丁。

音爭

赳赳武夫。

公侯干城。

興也化

行俗美、賢才衆多、雖置兔之野人、而其才之可用猶如此、故
詩人因其所事以起興而美之、而文王德化之盛、因可見矣、

肅肅兔置。施于中逵。赳赳武夫。公侯好仇。

興也、叶渠之反。

肅肅兔置。施于中林。赳赳武夫。公侯腹心。

興也。

伯兮四章章四句

詩經

伯兮 挈音

兮。邦之桀兮。伯也執殳。

殊音爲聲去

王前驅。

賦也、婦人

役、而作此詩、

自伯之東。首如飛蓬。豈無膏沐。誰適爲容。

音的爲容。賦也。

其雨其雨。杲杲出日。願言思伯。甘心首疾。

比也。

焉得諼草。言樹之背。願言思伯。使我心痗。

音佩。願言思伯。使我心痗。賦也。

大叔于田三章章十句

詩經

叔于田。乘乘馬。

叶下去聲。補反。

執轡如組。

音祖。

兩驂如舞。叔在藪。

音叟。素苦反。

火烈具舉。禮褊暴虎。獻于公所。將叔無狃。

音紐。女古反。

戒其傷。

女。音汝賦也、蓋叔多材好勇、而鄭人愛之如此、

叔于田。乘乘黃。兩服上襄。兩驂鴈行。音杭叔在藪。火烈具揚。叔

善射忌。音記又良御。叶魚反忌。抑罄。音慶反控口。音貢反忌。抑縱送忌。也賦

叔于田。乘乘鵠。音保叶補苟反兩服齊首。兩驂如手。叔在藪。火烈具

阜。叔馬慢。叶黃反半忌。叔發罕。叶盧反忌。抑釋棚。音冰忌。抑鬯。音暢弓。叶姑弘反

忌。也賦

大風歐

漢高祖

大風起兮雲飛揚。威加海內兮歸故鄉。安得猛士兮守四方。

帳下壯士

諺語

江表傳曰。典章容貌魁傑。名冠三軍。其所持手戟。長幾一

尋。軍中爲之語曰。

帳下壯士有典君。手把雙戟八十斤。

郭君

諺語

江表傳曰。郭典字君業。爲鉅鹿太守。與中郎將董卓攻黃巾賊。張寶於曲陽。典作圍塹。卓不肯。典獨於西當賊之衝。晝夜進攻。寶由是城守不敢出。時人爲之語曰。

郭君圍塹。董卓不許。幾令狐狸化爲豺虎。賴我郭君。不畏強禦。轉機之間。敵爲窮虜。猗猗惠君。寶完疆土。

詠懷

阮籍

壯士何慷慨。志欲威八荒。驅車遠行役。受命念自忘。良弓挾烏號。明甲有精光。臨難不顧生。身死魂飛揚。豈爲全軀士。效命爭戰場。忠爲百世榮。義使令名彰。垂聲謝後世。氣節故有常。

惟漢行

傅玄

危哉鴻門會。沛公幾不還。輕裝入人軍。投身湯火間。兩雄不俱立。

。亞父見此權。項莊奮劍起。白刃何翩翩。伯身雖爲蔽。事促不及旋。張良習坐側。高祖變龍顏。賴得樊將軍。虎叱項王前。噴目駭三軍。磨牙咀豚肩。空卮讓霸主。臨急吐奇言。威凌萬乘主。指顧回泰山。神龍困鼎鑊。非噲豈得全。狗屠登上將。功業信不原。健兒實可慕。腐儒安足歎。

贈母丘儉

杜摯

騏驥馬不試。婆娑槽檻間。壯士志未伸。坎軻多辛酸。伊摯爲媵臣。呂望身操竿。夷五困商販。甯戚對牛歎。食其處監門。淮陰飢不餐。買臣老負薪。妻叛呼不還。釋之宦十年。位不增故官。才非八子倫。而與齊其患。無知不在此。衰盜未有言。被此萬病久。榮衛動不安。聞有韓衆藥。信來給一丸。

贈母丘荊州

杜摯

鵠飛舉萬里。一飛狎昊蒼。翔高志難得。離鴻失所望。

答杜摯

母丘儉

鳳鳥翔京邑。哀鳴有所思。才爲聖世出。德音何不怡。八子未際遇。今者遭明時。胡康出壠畝。楊偉無根基。飛騰冲雲天。奮迅協光熙。駿驥骨法異。伯樂觀知之。但當養羽翮。鴻舉必有期。體無纖微疾。安用問良醫。聯翩輕桷集。還爲燕雀嗤。此四句疑錯互韓衆藥雖良。恐便不能治。悠悠千里情。薄言答嘉詩。信心感諸中。中賞不在辭。

贈鄱陽府君張仲膺

第二章

陸雲

謁帝東堂。剖符南征。天子命我。車服以榮。何以潤之。德被蒼生。何以濟之。威振羣城。却愚以化。崇賢以仁。鳳舒其翮。龍濯其鱗。憶彼荒蕪。莫敢不賓。雖云舊邦。其命維新。

贈劉琨 六首

盧 諶

潛哲惟皇。紹熙有晉。振厥弛維。光闡遠韻。有來斯雍。至止伊順。
。三台擢朗。四嶽增峻。

伊陟佐商。山甫翼周。弘濟艱難。對揚王休。苟非異德。曠世同流。
。加其忠貞。宣其徽猷。

伊謚陋宗。昔邁嘉惠。申以婚姻。著以累世。義等休戚。好同興廢。
。孰云匪諧。如樂之契。

王室喪師。私門播遷。望公歸之。視險忽艱。茲願不遂。中路阻顛。
。仰悲先意。俯思身愆。

由余片言。秦人是憚。日磾效忠。飛聲有漢。桓桓撫軍。古賢作冠。
。來牧幽都。濟厥塗炭。

塗炭既濟。寇挫民阜。謬其疲隸。授之朝右。上懼任大。下欣施厚。

。實祇高明。敢忘所守。

贈崔溫

盧 諶

逍遙步城隅。暇日聊游豫。北眺沙漠垂。南望舊京路。平陸引長流。
。岡巒挺茂樹。中原厲迅飈。山阿起雲霧。遊子恆悲懷。舉目增永
慕。良儔不獲偕。舒情將焉訴。遠念賢士風。遂存往古務。朔鄙多
俠氣。豈唯地所固。李牧鎮邊城。荒夷懷南懼。趙奢正疆場。秦人
折北慮。羈旅及寬政。委質與時遇。恨以鴛鴦姿。徒煩非子御。亦
既弛負擔。忝位宰黔庶。苟云免罪戾。何暇收民譽。倪寬以殿黜。
終乃最衆賦。何武不赫赫。遺愛常在去。古人非所希。短弱自有素。
。何以敷斯辭。惟以二子故。

白起韓信樂毅三贊

孫 楚

白起贊曰

烈烈桓桓。時維武安。神機電斷。氣濟師然。南折勁楚。走魏擒韓。
。北摧馬服。凌川成丹。應侯無良。蘇子入關。噉噉讒口。火燎于
原。遂焚杜郵。與簫俱燔。惟其歿矣。古今所歎。

又韓信贊曰

淮陰屈節。盤於幽賤。秦失其鹿。英雄交戰。踐楚知亡。撫戈從漢。
。遂寤明主。超然虎奮。威震趙魏。擒項平難。割據山川。稱孤南
面。惜哉遘疑。一朝書叛。

又樂毅贊曰

樂生誕節。實立宏度。丹旄電麾。秦韓景附。威震濟西。齊愍失據。
。惠之不敏。翻然高翥。栖遲一丘。以保皓素。

豫州歌

豫人頌
祖述

歌辭

幸哉遺黎免俘虜。三辰旣朗遇慈父。玄酒忘勞甘瓠脯。何以詠思歌

且舞。

涼州大馬歌

張軌破王彌京師人歌之云云

涼州大馬。橫行天下。涼州驄蒼寇賊消。鳴苕翩翩恠殺人。

隴上歌

劉曜圍陳安于隴城安戰死于渭曲安善於撫按隴人歌之

隴上壯士有陳安。軀幹雖小腹中寬。愛養將士同心肝。驍驄父

一作交

馬鐵鍛鞍。七尺大刀奮如湍。丈八蛇矛左右盤。十盪十決無當前。戰始三交失蛇矛。棄我騾驢竄巖幽。爲我外援而懸頭。西流之水東流河。一去不還奈子何。

同前

隴上健兒曰陳安。軀幹雖小腹中寬。愛養將士同心肝。騾驢駿馬鐵鍛鞍。七尺大刀配齊環。丈八蛇矛左右盤。十盪十決無當前。百騎俱出如雲浮。追者千萬騎悠悠。戰始三交失蛇矛。十騎俱盪九騎留。

。棄我騷驄攀巖幽。天非降雨迨者休。阿呵嗚呼奈子何。嗚呼阿呵奈子何。

南土謠

南人詠
杜預

謠辭

後世無叛由杜翁。孰識智名與勇功

代東武吟

鮑照

主人且勿誼。賤子歌一言。僕本寒鄉士。出身蒙漢恩。始隨張校尉。
。占一作募到河源。後逐李輕車。追虜窮塞垣。密塗亘萬里。甯歲

猶七奔。肌力盡鞍甲。心思歷涼溫。將軍既下世。部曲亦罕存。時

事一朝異。孤績誰復論。少壯辭家去。窮老還入門。腰鎌刈葵藿。

倚杖收

一作
收

雞豚。昔如韝上鷹。今似檻中猿。徒結

一作
積

千載恨。空

負百年怨。棄席思君幄。疲馬戀君軒。願垂晉主惠。不愧田子魂。

權歌行

吳邁遠

十三爲漢使。孤劍出臯蘭。西南窮天險。東北畢地關。岷山高以峻。
。燕水清且寒。一去千里孤。邊馬何時還。遙望煙嶂外。瘴氣鬱雲
端。始知身死處。平生從此殘。

效古

袁淑

諛一作訊

此倦遊士。本家自遼東。昔隸李將軍。十載事西戎。結車高

闕下。極望見雲中。四面各千里。從一作縱橫起嚴風。寒燠豈如節。

霜雨多異同。夕寐北河陰。夢還甘泉宮。勤役未云已。壯年徒爲空。
。迺知古時人。所以悲轉蓬。

將士謠

宗越王玄謨嚴酷將士怨之云云

謠辭

甯作五年徒。不逐王玄謨。玄謨猶尙可。宗越更殺我。

將軍名詩

梁元帝

虎旅皆成陣。龍騎盡能躡。鳴鞭俱破虜。決勝往長榆。細柳浮輕岸

。大樹繞栖鳥。樓船寫退鷁。檣鳥狎飛鳧。度河還自許。偏與功名俱。

獸名詩

梁元帝

豹韜求祕術。虎略選良臣。水涉黃牛浦。山過白馬津。摧鋒上狐塞。畫像入麒麟。果下新花落。桃枝芳樹春。王孫及公子。熊席復橫陳。

盧郎中謚感交

江淹

大廈須異材。廊廟非庸器。英俊著世功。多士濟斯位。眷顧成綢繆。乃與時髦匹。姻媾久不虧。

一作虛

契闊豈但一。逢厄既已同。處危

非所恤。常慕先達概。觀古論得失。馬服爲趙將。疆場得清謐。信陵佩魏印。秦兵不敢出。慨無握中策。徒慙素絲質。羈旅去舊京。

一作鄉 感遇踰琴瑟。自顧非杞梓。勉力在無逸。更以畏友朋。濫吹乖

名實。

數名詩

范雲

一鼓有餘氣。躡勇正紛紜。二廣無遺略。雄虎自爲羣。三河尙擾攘。
。楣櫓起櫓楹。四巡駐青蹕。瘞玉曠亭云。五十又舒旆。旗幟日繽
紛。六郡良家子。慕義輕從軍。七獲美前載。克俊嘉昔聞。八音仁
繁律。將以安司勳。九命旣斯復。金壁固宜分。十難康有道。延首
望卿雲。

奉和齊竟陵王郡縣名詩

沈約王融同賦

范雲

撫戈金城外。解珮玉門中。白馬騰遠雪。蒼松壯寒風。臨涇方辨渭。
。安夷始和戎。取禾廣田北。驅獸飛狐東。新城多雉堞。故市絕商
工。海西舟楫斷。雲南煙霧通。罄節疇盛德。宣力照武功。還飲漁

陽水。歸

一作應

轉杜陵蓬。

雉朝飛操

吳均

二月雉朝飛。橫行傍壠歸。斜看水外翟。側聽嶺南翠。蹀躞恆欲戰。耿耿恃彊威。當令君見賞。何辭碎錦衣。

城上麻

吳均

麻生滿城頭。麻葉落城溝。麻莖左右披。溝水東西流。少年感恩命。奉劍事西周。但令直心盡。何用返封侯。

贈別新林

一作江
譚怨

吳均

僕本幽并兒。抱劍事邊陲。風亂青絲絡。霧染黃金羈。天子既無賞。公卿竟不知。去去歸去來。還傾鸚鵡杯。氣爲故交絕。心爲新知開。但今寸心是。何須銅雀臺。

邊城將四首

吳均

塞外何紛紛。胡騎欲成羣。爾時始應募。來投霍冠軍。刀含四尺影。

。劍抱七星文。袖間血灑地。車中旌拂雲。輕軀如未殯。終當厚報君。

僕本邊城將。馳射靈關下。箭銜雁門石。氣振武安瓦。勳輕賞廢丘。名高拜橫野。留書應鑿楹。俱功須勒社。徒傾七尺命。酬恩終自寡。

聞君報一餐。遠送出平野。玉標丹霞劍。金絡豔光馬。高旗入漢飛。長鞭曆地寫。曙星海中出。曉月山頭下。歲晏坐論功。自有思臣者。

臨淄重蹴踘。曲執好擊刺。不要身後名。專騁眼前智。君看班定遠。立功不負義。掣拽二丈旗。躑躅雙鳧騎。但問相知否。死生無險易。

聞君立名義。我亦倦晨征。馬在城上蹀。劍自腰中鳴。白日遼川暗。
黃城隴坻驚。願君但銜酒。深知有索誠。

詠懷二首

吳均

僕本報恩人。走馬救東秦。黃龍暗迢遞。青泥寒苦辛。野戰劍鋒盡。
攻城才智貧。唯餘一死在。留持贈主人。
元淑勢位卑。長卿宦情寡。二頃且營田。三錢聊飲馬。懸風白雲上。
挂月青山下。心中欲有言。未得忘言者。

征客

吳均

公卿來悵別。葭聲在狹斜。玉樽浮雲蓋。朱輪流水車。鞞中懸明月。
劍杪照蓮花。

贈吳均

蕭子雲

欲知健少年。本來最輕黠。綠沈弓項縱。紫艾刀橫拔。誰持命要寵。

甯知敵可殺。有功終不言。明君自應察。

驄馬驅

劉孝威

十五官

一作宦

期門。二十屯邊徼。犀羈玉鏤鞍。寶刀金錯鞘。一隨驄

馬驅。分受青蠅弔。且令都護知。願被將軍召。誓使氎衣鄉。掃地無遺噍。

半渡溪

劉孝威

本厠偏伍伴。一戰殄凶渠。制賜文犀節。驛報紫泥書。入營陳御蓋。還家乘紫車。皇恩知己重。丹心恨不紆。渡瀘且不畏。凌溪嗟有餘。

驄馬驅

劉孝威

翩翩驄馬驅。橫行復斜趨。先救遼城危。後拂燕山霧。風傷易水湄。日入隴西樹。未得報君恩。聯翩終不住。

答張貞成臯詩

裴子野

匈奴時未滅。連年被甲兵。明君恥將帥。方聽鼓鞞聲。吾生恣逸翮。
撫劍起徂征。非徒慕辛季。聊欲逞良平。出車旣方軌。絕幕且橫
行。豈伊長纓繫。行見黃河清。雖令懦夫勇。念別猶有情。感子盈
編贈。握玩以爲榮。跋子振旅凱。含毫備勒銘。

贈王僧辨

朱超

故人總連率。方舟下漢池。玉節交橫映。金鏡前後吹。聚圖匡漢業。
。傾產救韓危。昔時明月夜。蔭羽切高枝。冲天勢已遠。控地力先
疲。各言猷捷後。幾處泣生離。

慕容垂歌辭

三曲

古辭

慕容攀牆視。吳軍無邊岸。我身分自當。枉殺牆外漢。
慕容愁憤憤。燒香作佛會。願作牆裏燕。高飛出牆外。

慕容出牆望。吳軍無邊岸。咄我臣諸佐。此事可惋歎。

洛陽歌

梁將陳慶之破魏軍送魏元顥入洛兵著白袍先是洛人歌此至是果驗

無名氏

名軍大將莫自勞。千兵萬馬被白袍。

梁末童謠

謠辭

可憐巴馬子。一日行千里。不見馬上郎。但有黃塵起。黃塵污人衣

。阜莢相料理。

北軍歌

梁侵魏蕭宏軍容甚盛畏懦不前魏人遺以巾幘北軍乃歌云云

歌辭

不畏蕭娘與呂姥。但畏合肥有章武。

詠老敗鬪雞

周弘正

少壯摧雄敵。眄視生猜忌。一隨年月衰。摧頹落毛駛。閒觀春光滿。東郊草色異。無復先鳴力。空餘擅場意。

賦得韓信

張正見

淮陰總漢兵。燕齊擅遠聲。沉沙擁急水。拔幟上危城。野有千金報。朝稱三傑名。所悲雲夢澤。空傷狡兔情。

江東謠

陳初童謠其後陳主爲韓擒虎所敗時節馬色皆應

謠辭

黃斑青驄馬。發自壽陽溪。來時冬氣末。去日春風始。

安定侯曲

溫子昇

封疆在上地。鐘鼓自相和。美人當窗舞。妖姬掩扇歌。

宴詩

高琳

寄言寶車騎。爲謝霍將軍。何以報天子。沙漠靜妖氛。

謹贈司寇淮南公

庾信

危邦久亂德。天策始乘機。九河聞誓衆。千里見連旂。虢亡垂棘返。齊平寶鼎歸。久弊風塵俗。殊勞關塞衣。絆驥還千里。垂鵬更九飛。猶憐馬齒進。應念節旄稀。廻軒入故里。園柳始依依。舊竹侵行

徑。新桐益幾圍。寒谷梨應重。秋林栗更肥。美酒還參聖。雕文本
入微。促歌迎趙瑟。遊弦召楚妃。小人司刺舉。明敷集作實濫吹。
南部治都尉。軍謀假建威。商山隱士石。一作宅丹水鳳凰磯。野亭長
被馬。山城早掩扉。傳呼擁絳節。交戟映彤闈。遂令忘楚操。何但
食周薇。三十六水變。四十九條非。丹竈風煙歇。年齡蒲柳衰。同
僚敢不盡。疇日懼難追。

同州還

庾信

赤岸繞新村。青城臨綺門。范睢新入相。穰侯始出蕃。上林催獵響。
。河橋爭渡喧。竄雉飛橫澗。藏狐入斷原。將軍高宴晚。來過青竹
園。

奉和趙王西京路春日

庾信

直城龍首抗。橫橋天漢分。風鳥疑近日。露掌定高雲。新渠還入渭

。舊鼎更開汾。漢獵熊攀檻。秦田雉失羣。宜年動春律。御宿斂寒
氛。弄玉迎簫史。東方覓細君。楊柳成歌曲。蒲桃學繡文。鳥鳴還
獨解。花開先自薰。誰知灞陵下。猶有故將軍。

賜史祥

隋煬帝

伯煦朝繼重。夏侯親遇深。貴耳唯聞古。賤目詎知今。早矚勁草質
。久有背淮心。掃逆黎山外。振旅河之陰。功已書王府。留情太僕
箴。

遺源雄

隋賀若弼

交河驃騎幕。合浦伏波營。勿使麒麟上。無我二人名。

酬楊僕射山齋獨坐

薛道衡

相望山河近。相思朝夕勞。龍門竹箭急。華岳蓮花高。岳高嶂重疊
。鳥道風煙接。遙原樹若齊。遠水舟如葉。葉舟旦旦浮。驚波夜夜

流。露寒洲渚白。月冷函關秋。秋夜清風發。彈琴即鑑月。雖非莊

鳥歌。吟詠常思越。

楊素封
越國公

讚德上越國公楊素

陳子良

君侯稱上宰。命世挺才英。本超麒麟足。復蘊風雲情。攄藻掞錦綺。
。育德潤瑤瓊。已踵四知舉。非無三傑名。濟世同舟楫。匡正本阿
衡。雍容入青瑣。肅穆侍丹楹。桂宮擅鳴珮。槐路獨飛纓。高門羅
虎戟。綺閣麗彫甍。金罇酌湛湛。歌扇掩盈盈。匈奴軼燕薊。烽火
照幽并。天子命薄伐。受脤事專征。七德播雄略。十萬騁行兵。雁
行蔽虜甸。魚貫出長城。交河方飲馬。瀚海盛揚旌。拔劍倚天外。
象犀輝日精。彎弧穿伏石。揮戈斬大鯨。鼓鼙朝作氣。刁斗夜偏鳴。
。六郡多壯士。三邊豈足平。嶺雲朝合陣。山月夜臨營。胡塵暗馬
色。芳樹動笳聲。關雲未盡散。塞霧常自生。川長蔓草綠。峯迴雜

花明。小人愧王氏。雕文慙馬卿。濫此叨書記。何以謝過榮。高山徒仰止。終是恨才輕。

觀此知子良嘗爲越公掌書記

賦得馬援

王由禮

二帝已馳聲。五溪還總兵。受詔金鞍動。論功銅馬成。唯稱聚米勢。無慙薏苡情。雖謝雲臺影。猶傳千載名。

遺于仲文

乙支文德

高麗人

神策究天文。妙算窮地理。戰勝功既高。知足願云止。

長白山歌

來整菜國公子也擊賊驍勇諸賊歌之云云

歌辭

長白州頭百戰場。十五五把長槍。不畏官軍十一作千萬衆。只怕榮

公第六郎

項王歌

失名

無復拔山力。誰論蓋世才。欲知漢騎滿。但聽楚歌哀。悲看騅馬去

。泣望艤舟來。

旋軍類

汝墳三章章四句

詩經

遵彼汝墳。伐其條枚。

音梅

未見君子。

惄

音溺

如調

音周

飢。

賦也

、汝

先

被文王之化者、故婦人喜其君子行役而歸、因記其未歸之時、思望之情如此、而追賦之也、

遵彼汝墳。伐其條肆。

音異

既見君子。

不我遐棄。

也賦

魴魚頰

音房

尾。

王室如燬。

音下

同

雖則如燬。

父母孔邇。

也

比

東山四章章十二句

詩經

我徂東山。

惄惄

音滔

不歸。

我來自東。

零雨其濛。

我東曰歸。

我心

西悲。制彼裳衣。

勿士行

音杭

枚。

叶

反

娟娟

音娟

者蠋。

音蜀

烝在桑野

叶上
與反敦堆

彼獨宿。亦在車下。

賦也

成王

既得

鳴鶉

之詩

、又

感雷

公東征已三年矣、既歸、因作此詩以勞歸士、

我徂東山。惓惓不歸。我來自東。零雨其濛。果臝力果反之實。亦施

音異

于宇。伊威在室。

音蕭 蠪音管 蛸音管 在戶。

叮音廷 腫他短反

鹿場。

熠音翽 燿

以照反 宵行

叶戶郎反 亦可畏叶於非反也。

伊可懷叶胡威反也。

也賦

我徂東山。惓惓不歸。我來自東。零雨其濛。鶴鳴于垤。叶地反

婦嘆

于室。洒掃穹窒。我征聿至。

叶入聲

有敦音堆

瓜苦。烝在栗薪。自我

不見。于今三年。

叶尼因反 賦也

我徂東山。惓惓不歸。我來自東。零雨其濛。倉庚于飛。熠燿其羽

。之子于歸。皇駁

音剝

其馬。

叶滿補反

親結其縞。

叶離羅二音

九十其儀。

叶宜俄二音

其新孔嘉。

叶居宜居何二反

其舊如之何。

叶奚何二音 賦而興也

出車六章章八句

詩經

我出我車。于彼牧叶莫狄反矣。自天子所。謂我來叶六直反矣。召彼僕夫。

謂之載叶節力反矣。王事多難。

去聲

維其棘矣。

賦也、此勞還率之詩、

我出我車。于彼郊音高矣。設此旄音兆矣。建彼旒音毛矣。彼旃音餘旒

斯。胡不旆旆。叶蒲寐反憂心悄悄。僕夫况瘁。音悴賦也

王命南仲。往城于方。出車彭彭。叶鋪郎反旂旐央央。天子命我。城彼

朔方。赫赫南仲。玁狁于襄。也賦

昔我往矣。黍稷方華。叶芳無反今我來思。雨雪載塗。王事多難。不遑

啓居。豈不懷歸。畏此簡書。也賦

嘒嘒音腰草蟲。趯趯音剔阜螽。未見君子。憂心忡忡。音充既見君子。

我心則降。音杭胡攻反赫赫南仲。薄伐西戎。也賦

春日遲遲。卉音諱木萋萋。音妻倉庚喈喈。音皆居奚反采芣祁祁。執訊音信

獲醜。薄言還音旋歸。赫赫南仲。玁狁于夷。也賦

杕杜四章章七句

詩經

有杕音第之杜。有睆音堯其實。王事靡盬。繼嗣我日。日月陽止。女

心傷止。征夫遑止。賦也、此勞還役之詩、

有杕之杜。其葉萋萋。王事靡盬。我心傷悲。卉木萋止。女心悲止。

。征夫歸止。也。賦

陟彼北山。言采其杞。王事靡盬。憂我父母。叶滿檀車幘幘。音四

牡瘠瘠。音管叶古轉反征夫不遠。也。賦

匪載匪來。叶六憂心孔疚。叶訖期逝不至。叶朱而多爲恤。卜筮偕

叶舉止。紀反會言近止。叶渠征夫邇止。也。賦

飲馬長城窟行

陸機

驅馬陟陰山。山高馬不前。往問陰山候。勁虜在燕然。戎車無停軌。
。旌旆屢徂遷。仰憑積雪巖。俯涉堅冰川。冬來秋未反。去家邈以
繇。獫狁亮未夷。征人豈徒旋。末德爭先鳴。凶器無兩全。師克薄
賞行。軍沒微軀捐。將遵甘陳迹。收功單于旃。振振勞歸士。受爵

藁街傳。

勞還師歌

張華

黷執背天德。搆亂擾邦畿。戎車震朔野。羣帥贊皇威。將士齊心旅。
感義忘其私。積勢如礮弩。赴節如發機。囂聲動山谷。金光曜素
暉。揮戟晉書作戈陵勁敵。武步蹈橫屍。鯨鯢皆授首。北土永清夷。昔
往冒隆暑。今來白雪霏。征夫信勤瘁。自古詠采薇。收榮於舍爵。
燕喜在凱歸。

征西大將軍京陵王公會射堂皇太子見命作此詩 陸雲

芒芒太極。玄化烟煨。頽形成器。凌象垂文。大鈞造物。庶類羣分。
先識經始。實綜彝倫。

惟岳隆周。生甫及申。天鑒在茲。祚之降神。邈矣遐風。茂德有鄰。
永言配命。唯晉之鎮。

厥鎮伊何。實幹心膂。文教內輔。武功外禦。淮方未靖。帝曰攸序。
。公于出征。奄有南浦。

南海既賓。爰戢干戈。桃林釋駕。天馬婆娑。象齒南金。來格皇家。
。絕音協徽。宇宙告和。

玄綱峻極。天網既紘。文武方升。允茲兼弘。峨峨高夏。有肅其涼。
。公侯戾止。駉驥龍驤。善問如林。在會鏘鏘。

祝融御德。火正緝熙。凱風徘徊。萬物欣時。秩秩初筵。薄言在茲。
。嘉福介祐。萬壽無期。

入朝曲

謝朓

江南佳麗地。金陵帝王州。逶迤帶綠水。迢遞起朱樓。飛甍夾馳道。
。垂楊蔭御溝。凝笳翼高蓋。疊鼓送華輜。獻納雲臺表。功名良可
收。

正陽堂宴勞凱旋

沈約

凱入同高宴。飲至均多祜。昔往歌采薇。今來歡杖杜。善戰惟我皇。勝之不窺戶。推轂授神謨。餘壯終能賈。浩蕩金疊溢。周流玉觴傳。

學古贈丘永嘉征還

何遜

龍馬魚腸劍。躑躅起風塵。結客蔥河返。喧喧動四鄰。入墟猶憶舊。覓巷復疑新。窺見應門出。遙識下機人。相悲淚欲下。離別方自陳。

入塞

王褒

戍久風塵色。勳多義氣豪。建章樓閣廻。長安陵樹高。渡冰傷馬骨。經寒墜節旄。行當見天子。無假用錢刀。

見征客始還遇獵

庾信

貳師新受詔。長平正凱歸。猶言乘戰馬。未得解戎衣。上林遇逐獵。宜春蹙合圍。漢帝熊猶憤。秦王雉更飛。故人迎借問。念舊始依依。河邊一片石。不復肯支機。

雲中受突厥主朝宴席賦

隋煬帝

鹿塞鴻旗駐。龍庭翠輦回。氈帷望風舉。穹廬向日開。呼韓頓顙至。屠耆接踵來。索辮擊羶肉。韋韝獻酒杯。如何漢天子。空上單于臺。

從駕幸晉陽

薛道衡

省方遵往册。遊豫叶前經。金吾朝戒道。校尉晚巡營。重巒下飛騎。絕浦渡連旌。澗水寒逾咽。松風遠更清。方觀翠華反。簪筆上云亭。

旋京師

隋煬帝

東道禮儀舉。西京冠蓋歸。是月春之季。花柳相依依。雲蹕清馳道。
雕輦御晨暉。嘹亮鏡筵奏。歲黹旌旆飛。後乘趨文雅。前驅厲武
威。

從駕還京

李德林

至仁文教遠。惟聖武功宣。太師觀六義。諸侯問百年。玄覽時乘隙。
訓旅次山川。鎮象屯休氣。華蓋翼飛煙。鼓奏千人響。旗動七星
連。峻嶺戈迴日。高峰馬照一作照天。姑射神遊罷。蕭關獵騎旋。更
待東山上。看君巡狩篇。

入塞

何妥

桃林千里險。候騎亂紛紛。問此將何事。嫖姚封冠軍。回旌引流電。
歸蓋轉行雲。待任蒼龍傑。方當論次勳。

紀遼東二首

王胄

遼東溟水事龔行。俯拾信神兵。欲知振旅旋京樂。爲聽凱歌聲。十
乘元戎纜渡遼。扶濊已冰消。詎似百萬臨江水。按轡空廻鏢。
天威電邁舉朝鮮。信次卽言旋。魏家司馬懿迢迢。迢用一年。鳴
鑾詔蹕發滄瀆。合爵及疇庸。何必豐沛多相識。比屋降堯封。

悼挽類

黃鳥三章章十一句

詩經

交交黃鳥。止于棘。誰從穆公。子車奄息。維此奄息。百夫之特。

臨其穴。

叶戶
橘反

惻惻其慄。彼蒼者天。

叶鐵
因反

殲我良人。

如可贖兮。人

百其身。

興也。秦穆公卒以子車氏之三子爲殉。皆秦之良人。國人哀之爲之賦黃鳥。

交交黃鳥。止于桑。誰從穆公。子車仲行。

音杭

維此仲行。百夫之防

。臨其穴。惻惻其慄。彼蒼者天。殲我良人。如可贖兮。人百其身

也興

交交黃鳥。止于楚。誰從穆公。子車鍼虎。音維此鍼虎。百夫之禦。

也興

平陵東

翟義門
人作

古辭

平陵東。松柏桐。不知何人劫義公。劫義公在高堂下。交錢百萬兩走馬。兩走馬。亦誠難。顧見追吏心中慄。心中慄。血出漉。歸告我家賣黃犢。

蒿里行

曹操

關東有義士。興兵討羣凶。初期會盟津。乃心在咸京。軍合力不齊。躊躇而雁行。勢利使人爭。嗣還自相戕。淮南弟稱號。刻璽於北方。鎧甲生蟣虱。萬姓以死亡。白骨露於野。千里無雞鳴。生民百遺一。念之斷人腸。

戰城南 漢鏢歌之一

樂府

戰城南。死郭北。野死不葬烏可食。爲我謂烏且爲客。豪野死。諒不葬。腐肉安能去子逃。水深激激。蒲葦冥冥。裊騎戰鬪死。駑馬徘徊鳴。梁築室。何以南。何以北。禾不獲。君何食。願爲忠臣安可得。思子良臣。良臣誠可思。朝行出攻。暮不夜歸。

丁督護歌六首

宋徐達爲魯軒所殺宋高祖使督護丁旌收殮呼旌至開下問殮送之事每問輒歎息曰丁督護其聲哀切後人廣

爲曲焉

孝武帝

督護北征去。前鋒無不平。朱門垂高蓋。永世揚功名。
洛陽數千里。孟津流無極。辛苦戎馬間。別易會難得。
督護北征去。相送落星墟。帆檣如芒杼。督護今何渠。
聞歡北征去。相送直瀆浦。只有淚可出。無復情可吐。

督護初征時。

一作上征去

儂亦惡聞許。願作石尤風。四面斷行旅。

黃河流無極。洛陽數千里。坎軻戎旅間。何由見歡子。

樂府作
王金珠作

代挽歌

鮑照

獨處重冥下。憶昔登高臺。傲岸平生中。不爲物所裁。塏門只復閉。
。白蟻相將來。生時芳蘭體。小虫今爲災。玄髮無復根。枯體依青
苔。憶昔好飲酒。素盤進青梅。彭韓及廉藺。疇昔已成灰。壯士皆
死盡。餘人安在哉。

連句詩

世基晦從子晦被誅世基連
坐其將刑爲連句詩云

謝世基

偉哉橫海鯨。壯矣垂天翼。一旦失風水。翻爲螻蟻食。

續連句詩

謝晦

功遂侔昔人。保退無智力。既涉太行險。斯路信難陟。

宋人歌

宋主疑檀道濟而殺
之時人哀而作歌

謠辭

可憐白浮鳩。柱殺檀江州。

石城歌

袁粲舉義稽淵洩謀齊高
談袁而稽輔政百姓語曰

謠辭

可憐石頭城。甯爲袁粲死。不作褚淵生。

妾薄命篇

劉孝威

去年從越障。今歲沒胡庭。嚴霜封碣石。驚沙暗井陘。玉簪久落髮。
羅衣長挂屏。浴蠶思漆水。條桑憶鄭桐。寄書朝鮮吏。留釧武安
亭。勿言戎夏隔。但令心契冥。不見豐城劍。千祀復同形。

望鄧州城

沈炯

魂兮何處返。非死復非仙。坐柯如昨日。石合一作合石未淹年。歷陽頓

成浦。東海果爲田。空憶扶風詠。誰一作惟見峴山傳。世變才良改。

時移民物遷。悲哉孫驪騎。悠悠哭彼天。

建除詩

沈炯

建章連鳳闕。藹藹入雲煙。除庭發槐柳。冠劍似神仙。滿衢飛玉軼

夾道躍金鞭。平明塵霧合。薄暮風雲騫。定交太學裏。射策雲臺邊。執事一朝謬。朝市忽崩遷。破家徒徇國。力弱不扶顛。危機空履虎。擊惡豈如鷓。成師鑿門去。敗績裹尸旋。收魂不入斗。抱景問穹玄。開顏何所說。空憶平生前。閉門窮巷里。靜掃詠歸田。

和張記室源傷往

江總

小婦當壚夜。夫婿凱歸年。正歌千里曲。翻入九重泉。機中未斷素。瑟上本留弦。空帳臨牕掩。孤燈向壁然。還悲寒隴曙。一作樹松短未生烟。

哭魯廣達

魯陳將為隋敗被執以憤
慨卒江總哭題其棺曰

江總

黃泉雖抱恨。白日自留名。悲君感義死。不作負恩生。

傷章公大將軍

何胥

百萬橫行罷。三千百日新。短簫應出塞。長笛反驚鄰。槐庭慘芳樹

。舞歌思陽春。所悲金谷妓。坐望玉關人。

絕命詩二首

中山王 熙

義實動君子。主辱死忠臣。何以明是節。將解七尺身。右示寮吏

平生方寸心。殷勤屬知己。從今一銷化。悲傷無極已。右別知友

悲平城

王 肅

悲平城。驅馬入雲中。陰山常晦雪。荒松無罷風。

悲彭城

祖 瑩

悲彭城。楚歌四面起。屍積石梁亭。血流睢水裏。

結襪子

溫子昇

誰能訪故劍。會自逐前魚。裁紉終委篋。織素空有餘。

相國清河王挽歌

溫子昇

高門詎改轍。曲沼尙餘波。何言吹樓下。翻成薤露歌。

挽歌

祖 珽

昔日一作時驅駟馬。謁帝長楊宮。旌懸白雲外。騎獵紅塵中。今來向

漳浦。素蓋轉悲風。榮華與歌笑。萬事盡成空。

送劉中書葬

王 褒

昔別傷南浦。今歸去北邙。書生空託夢。久客每思鄉。塞近邊雲黑。
塵昏野日黃。陵谷俄遷變。松柏易荒涼。題銘無復迹。何處驗龜
長。

五苦詩

釋亡名

可患身爲患。生將憂共生。心神恆獨苦。寵辱橫相驚。朝光非久照。
夜燭幾時明。終成一聚土。強覓千年名。

老苦

少日欣日益。老至苦年侵。紅顏既罷豔。白髮甯久吟。階庭唯仰杖。

。朝府不勝簪。甘肥與妖麗。徒有壯士心。

病苦

拔劍平四海。橫戈却萬夫。一朝牀枕上。迴轉仰人扶。壯色隨肌減。呻吟與痛俱。綺羅雖滿目。愁眉獨向隅。

死苦

可惜凌雲氣。忽隨朝露終。長辭白日下。獨入黃泉中。池臺既已沒。墳隴向應空。唯當松柏裏。千年恆勁風。

愛離

誰忍心中愛。分爲別後思。幾時相握手。嗚噎不能辭。雖言萬里隔。猶有望還期。如何九泉下。更無相見時。

傷王司徒褒

庾信

昔聞王子晉。輕舉逐神仙。謂言君積善。還得嗣前賢。四海皆流寓。

非爲獨播遷。豈意中台坼。君當風燭前。自君鍾鼎族。江東

集作南

三百年。寶刀仍世載。瑠戈本舊傳。綠紱紆槐綬。黃金飾侍蟬。地
建忠臣國。家開孝子泉。自能枯木潤。足得流水圓。以君承祖武。
諸侯無間然。青衿已對日。童子卽論天。穎陰珠玉麗。河陽脂粉妍。
名高六國共。價重十城連。辯足觀秋水。文堪題馬鞭。迴鸞抱書
字。別鶴繞琴弦。擁旄裁甸服。垂帷非被邊。靜亭空繫馬。閑蜂直
起煙。不廢披書案。無妨坐釣船。茂陵忽多病。淮陽實未痊。侍醫
逾默默。神理遂綿綿。永別張平子。長埋王仲宣。柏谷移松樹。陽
陵買墓田。陝路秋風起。寒堂已颯焉。丘楊一搖落。山大即時然。
昔爲人所羨。今爲人所憐。世途旦復旦。人情玄又玄。故人傷此別。
留恨滿秦川。定名於此定。全德以斯全。唯有山陽笛。悽余思舊

幸江都作

隋煬帝

求歸不得去。眞成遭個春。鳥聲爭勸酒。梅花笑殺人。

彭城王挽歌

盧思道

旭旦禁門開。隱隱靈輿發。纔看鳳樓迴。稍視龍山沒。猶陳五營騎。尙聚三河卒。容衛儼未一作來歸。空山照秋月。

和入京

呂讓

俘囚經萬里。憔悴度三春。髮改河陽鬢。衣餘京洛塵。鍾儀悲去楚。隨會泣留秦。旣謝平吳利。終成失路人。

悼歎

釋慧輪

衆美乃羅列。羣英已古今。也知生死分。那得不傷心。



中華民國五十五年拾月拾壹日

國家圖書館



005032511

